

ТАРАГТ СУМЫН П.ГЭНДЭНГИЙН НЭРЭМЖИТ ЕРӨНХИЙ БОЛОВСРОЛЫН СУРГУУЛИЙН 2-Р САРД ХИЙСЭН АЖЛЫН ТАЙЛАН

Багшийн мэргэжил дээшлүүлэх чиглэлээр сургалт семинарт оролцсон, зохион байгуулсан байдал:

- Хими-Биологийн багш С.Оюун-Эрдэнэ, ББМС М.Нарангэрэл нар УБ-Хотод “Тогтвортой хөгжлийн бодлого”-төслийн хаалтанд тайлан тавьж, туршлага судалсан.

- Бага ангийн багш Б.Батчимэг, Л.Эрдэнэчимэг нар 10 дахь жилийн үндсэн сургалтанд амжилттай хамрагдлаа.

Удирдлага зохион байгуулалтын талаар:

- 12-р ангийн сурагчдыг багш нарын зөвлөгөөний хурлаар оруулж, суралцагч тус бүрт сурган хүмүүжүүлэх зөвлөгөө өгч, хичээл сонголт болон мэргэжил сонголтын талаар хэлэлцүүлэг зохион байгууллаа.

- 12-р ангийн сурагчдаас мэргэжлийн багш нар 7 хоног бүр , Сургалтын менежер, АУБ Н.Баярдолжинтой хамтарч 14 хоногт 1 удаа хөндлөнгийн шалгалт авч, ахиц, бууралтыг тодорхойллоо.

- Чээж бичгийн шалгалтыг хугацаанд нь авч, МХУЗ-ын багш Э.Даваа, Б.Мөнх-Эрдэнэ нарт шалгалтын анализыг танилцуулан, хоцрогдолтой суралцах төлөвлөгөө гарган ажиллах үүрэг өгөв.

- 12-р ангийн сурагчдаас багш нарын заах арга зүй, ёс зүйн талаар сэтгэл ханамжийн судалгаа авч нэгтгэн шаардлагатай багш нарт арга зүйн зөвлөгөө өгсөн.

- БСУГ-аас зохион байгуулсан 12-р ангийн сурагчдаас авах “Монгол-хэл”-ний хичээлийн урьдчилсан шалгалтыг авч, дүнг нэгтгэн БСУГ-ын “Монгол-хэл”-ний арга зүйч Э.Батаад явуулж, хангалтгүй өгсөн сурагчдыг 3.23-нд зохион байгуулагдах “Монгол-хэл”-ний эрхийн шалгалтанд амжилттай оролцоход, бэлтгэх талаар үүрэг өглөө.

- Хичээлийн цагаар гар утас хэрэглэхгүй байх тал дээр багш, сурагчдыг хэвшүүлж, хяналт тавьж ажилласан.

- “Багшийн хөгжлийн тухай хууль”-аар нийт багш нараас шалгалт авах

Сургалтын орчин сайжруулах, эрүүл ахуйн чиглэлээр:

- Шинэ дотуур байрын нээлтийн үйл ажиллагааг амжилттай зохион байгуулж Нээлтийн үйл ажиллагаанд Боловсрол, соёл шинжлэх ухаан спортын дэд сайд С.Ганбаяр, УИХ-ын гишүүн Д.Тогтохсүрэн аймаг, сум орон нутгийн удирдлагууд , албан байгууллагууд, эцэг эхчүүд нийт 200 гаруй хүн оролцлоо.

- Ангиудын цэвэрлэгээ, тохижилт, эд аж ахуйн бүрэн бүтэн байдалд өдөр бүр хөндлөнгийн зүгээс хяналт тавьж, хариуцаж буй АУБ-нарт шаардлага тавих

- 1-9-р ангийн 105 хүүхэд шүдний үзлэгт хамрагдсан. Нийт сурагчдын эрүүл-45, эмчлэгдсэн-40, сувгийн эмчилгээ-20, буюу 80 орчим хувь нь эрүүлжсэн.

Хүүхдийн авъяас, сурлага хүмүүжлийн чиглэлээр:

- Дээлтэй монгол” арга хэмжээг зохион байгуулах /Үндэсний уламжлалт оньсон тоглоом зааж, хүүхдүүд харилцан суралцлаа.

- Цахим хэрэглээний журам зөвлөмжийг ангиудын буланд байрлуулан сурагчдад танилцуулсан.

- “Бид алдаагүй бичигтэн” “Бид цэвэр бичигтэн” аянуудыг үйл ажиллагааг чанаржуулж, Бүсийн массын олимпиадад бэлтгэх, амжилттай оролцохоор зорилго тавин ажиллалаа.

- Монгол хэлний зөв бичгийн дүрмээр багш бүр сурагч, эцэг эхчүүдэд зориулсан гарын авлага гаргалаа.

- “Монгол уламжлалт мэндчилгээний ёс - Дөрвөн улирлын мэндчилгээ” сэдвээр 2-5-р ангийн ах эгч нартаа танилцуулга мэдээлэл бэлтгэн танилцууллаа.

- 1-5-р ангийн “Ангийн номын сан”-г тохижуулах ажлыг хийж дуусгалаа. Анги бүр номын жагсаалтын дагуу ном хүлээн авч ангийн номын санг тохижуулан сурагчдаар ном уншуулах уншлагын цагийн хуваарь гарган номын тэмдэглэл хөтлүүлэх ажлыг зохион байгуулж эхлээд байна.

Сургалт хэлэлцүүлэг зохион байгуулсан талаар:

- Бага ангийн багш Н.Бямбадолгор, Б.Мягмарсүрэн, Л.Эрдэнэчимэг нарын “Байгалийн –Ухаан”-ны хэлэлцүүлэгт хичээлд дунд, ахлах ангийн багш нарын хамт сууж, санал дүгнэлт өглөө.

- ” Миний дотны найз” зохион бичлэгийн уралдаан” явуулж, сэтгэл ханамжийн судалгаа авсан 6-р ангийн сурагчдын дунд явуулж хамтач нөхөрсөг орчин бүрдэнэ.

- “Үе тэнгийнхний дарамт, шахалтаас урьдчилан сэргийлэх сэдэвт сургалт, хэлэлцүүлэгийг ба ангид зохион байгууллаа.

- Дотуур байрын сурагчдыг шинэ дотуур байрны орчинтой танилцуулж орчны эрүүл ахуй, аюулгүй байдлын талаар санамж зөвлөмж сургалтыг явууллаа.

- Монгол хэл, математикийн хичээлээр багш бүр массын олимпиадад бэлтгэх төлөвлөгөө гарган давтлагын хуваарь гарган хичээллэж байна. Давтлагын чанарт 7 хоног бүр шалгалт авч ахицыг тооцон ажиллахаар төлөвлөөд байна.

- Багш бүр нэг хууль дүрэм судлан бусад багш нартаа сурталчилах ажлын хуваарь гарган хэрэгжүүлж байна. Энэ сард Багш Б.Мягмарсүрэн кабинетийн шинэчлэгдсэн журмаар бусад багш нартаа мэдээлэл өглөө.

Олимпиад, уралдаан тэмцээнд оролцсон байдал

- Орос хэлний төрөлжсөн олимпиадын 2-ын даваанд П.Бундхорлоо багшийн бэлтгэсэн шавь 10а ангийн сурагч Б.Удвал 2-р байранд шалгарч мөнгөн медаль хүртсэн.

Нэмэлт ажлууд

- 17-р жарны “Урвуулагч “ хэмээх шороон гахай жилийн “Сар шинийн золголтоор ЗАН-үүдийн мэндчилгээ, /морь уралдуулах,шагай шүүрэх, гар бөмбөг”-ийн тэмцээнүүдийг зохион байгууллаа.

- Нийт багш ажилчид ирж “ Сүүтэй золголтыг өргөн дэлгэр ёслон тэмдэглэн өнгөрүүлээ

БАЗАН “Дээлтэй монгол өдөрлөг”-ийг сургуулийн захиргаатай хамтран зохион байгуулав

СУРГУУЛИЙН ЗАХИРГАА